




2021
2022
ÉDITION

DE FËSCH

ENG INFORMATIUNSBROSCHÛR VUN
DE LËTZEBUERGER STUDENTEN
ZU KAISERSLAUTERN





■ INHALTSVERZEECHNES

Virwuert	3
1 De Cercle a seng Stad	4
D'Geschicht vum LSK	5
D'Stad Kaiserslautern	6
Wunnen zu Kaiserslautern	8
Nëtzlech Kontakter	10
D'Caféen zu Lautern	11
De Comité 2021	12
2 Aktivitéiten	16
De Stammdësch	17
Wantereventer	18
Summereventer	19
Studentefoire	20
Chrëschtfeier	21
Student fir 1 Dag	23
Bistropiade	25
De Studentebal	26
Intercercle	27
LSK Ausfluch	28
LSK Sport	29
3 Héichschoulen	32
Alles op ee Bléck	33
Universitéit (TU)	34
Héichschoul (HS)	35
Interviews	36
Wat studéieren eis Memberen?	48
4 Eis Sponsoren	51
Merci un eis Sponsoren!	52
Schlusswuert	55
Impressum	56

INNOVATIV PROJETS BEI DREES & SOMMER LËTZEBUERG

Als féierend europäescht Berodungs-, Konzeptions- a Projektmanagement-Entreprise begleede mir eis Client bei alle Froen iwwert Immobilien, Projektmanagement, Urbanismus an Infrastruktur. Mir stinn fir innovativ Iddien a nohalteg Usätz.

BIM und ICT Beratung
für den Bau des „Südspidol“.



© Ville de Luxembourg

Grundstücksentwicklung des
Ökoquartiers „Porte de Hollerich“
in Luxemburg Stadt.



© Centre Hospitalier Emile Mayrisch



© Gravity / Image 3G

Cradle to Cradle Beratung für den
Bau eines ökologischen Gebäude-
komplexes in Differdingen.



Entwicklung von Co-Location Data
Center; von Managementberatung
und Konzeption über General
Construction Management bis zur
Inbetriebnahme.

**CRADLE TO CRADLE
BIM, PROJEKT-
MANAGEMENT,
TECHNESCH
KONZEPTIOUN,
ENTWÉCKLUNGS-
MANAGEMENT,
INFRASTRUKTUR-
BERODUNG**

Kontakteiert eis fir mei Infoen oder fir eis ären CV ze schecken:
Drees & Sommer Luxembourg, Att: Conny Laubach:
conny.laubach@dreso.com, www.dreso.lu

**DREES &
SOMMER**



Léif Schüler:innen a Student:innen,

dir haalt hei déi Ausgab 2021/22 vun eiser Broschür "de Fësch" an der Hand.

Dës Broschür zielt vun der Stad Kaiserslautern an hieren Studenten, an soll de Schüler hëllefen sech en Iwwerbléck iwwer eise Cercle "de LSK" an eis Studentestad Kaiserslautern ze verschafen an och iwwer all eis Eventer ze informéieren.

Och wann den Coronavirus den Student zu Lautern ageschränkt huet an Veräinsliewen staark dorënner gelidden huet. Hunn mer eis net huelen gelooss eis zwou akademesch Instituter an eis Sponsoren virzestellen, ouni déi eise Cercle net bestoe kéint. Ech hoffen, dass mer am kommenden Joer rëm méi Präsensevener duerchféieren kënnen, an dass déi virtuell Manifestatioun passé sinn. Eppes ass awer lo schonn sécher, mir wäerten an Zukunft den gesellschaftlechen Aspekt méi wäertschätzen.

Den LSK-Comité wënscht dir vill Spaass beim Liesen an hofft deen een oder anere Schüler d'nächst Joer an eisem Veräin begréissen ze kënnen.

Christian Heinesch
President 2021



VIRSTELLUNG

DE CERCLE
A SENG
STAD

01

#DEFFËSCH

■ D'GESCHICHT VUM LSK


D'Ofkierzung LSK steet fir "Lëtzebuenger Studenten zu Kaiserslautern a.s.b.l.". Mir als Veräin hunn d'Ziel de neie Studenten den Ufank vun hirem Studium méi einfach ze maachen an den Uni-Alltag mat verschiddenen Aktivitéiten ofwiesslungsräich ze gestalten.

De LSK gouf 1981 vu 7 Studenten gegrënnt an ass säit deem konstant gewuess. Am Joer 2020 studéieren 350 Lëtzebuenger zu Kaiserslautern, wouvun der 100 Member am LSK sinn.

Fir den Austausch ënner sech ze stäerken, treffen mir eis all Woch fir eise "Stammdësch" an engem Café an der Aalstad. Nieft dem "Stammdësch" bidde mir de Memberen och nach aner verschidden Aktivitéiten un.

D'Lëtzebuenger Studenten zu Kaiserslautern studéieren entweder op der "Technischer Universität Kaiserslautern" oder op der "Hochschule Kaiserslautern", woubäi d'Studiëgäng haaptsächlech an déi verschidden technesch Richtunge ginn.





■ D'STAD KAISERSLAUTERN

Déi eng nennen et "Léift op den zweeten Bléck", déi aner schwärmen vun de "verbiegeren Schätz" vun der Stad Kaiserslautern. Wie schonn eemol duerch Lautern gelaf ass, wäert de Charme vun der "klenger Grousstad" erkannt hunn.

D'Faarf Roud ass ee Merkmal vu Lautern, an erënnert, un de Buedem vun der Westpfalz, d'Balken lénks a riets vum Lautrer Wopen, de Sandsteen vum Pfalztheater an natierlech net ze vergiessen, de Betzenberg mam "roten Teufel".

Kaiserslautern läit matten am Pfälzerwald, wouduerch een mat der Natur verbonnen ass an een herrlecht Panorama genéisse kann. Lautern huet sech als IT-Standu-

ert och international ee gudde Ruff gemaach. Net nëmmen d'TU Kaiserslautern, d'Héichschoul an nach vill aner Instituter droen dozou bäi, dass Lautern an deene leschte Joren ee grousse Strukturwandel matgemaach huet.

Den FCK bléift awer nach ëmmer vir d'Awunner den Highlight schlechthin. Den FCK ass den Exportschlager säit de 50er Joren, wei deemools d'Ekipp Weltmeeschter ginn ass. Sou entwéckelt sech Kaiserslautern ëmmer méi zu enger spannender Grousstad, déi matten am Grénge läit, déi dank hirer gudder Infrastruktur bequem an einfach z'erreechen ass an déi hir Geschicht an Traditioune fleegt.

D'STAD AN ZUELEN A FAKTEN

- Awunner	102.165 (2020)
- Gréisst	140 km ²
- Héicht	251 m ü. NHN
- Floss	Lauter





Lautern ass eng international Stad, an där ronn 140 verschide Natioune liewen. "K-Town" zielt mat de ronn 50.000 Militären zu där gréisster amerikanescher Grupp ausserhalb den USA.

De Choix u Kultur- a Fräizäitaktivitéiten ass enorm grouss a spannend, sou dass Lautern ëmmer vill Léit wäert unzéien.

De Numm „Fësch“ soll un de Wopen vun der Staat Kaiserslautern erënnere. Deemools wéi d'Staat gegrennt ginn ass, war se fir hire Fëschräichtum bekannt. Ausserdeem soll der Legend no 1497 e Fësch vu 6m mat engem Rang ëm den Hals gefaange gi sinn deen nach aus der Zäit vum Kaiser Friedrich II (1230) iwwerlieft huet. Dorops hi gouf de Fësch an de Wopen vu Kaiserslautern opgeholl.



■ WUNNEN ZU KAISERSLAUTERN

Du bass zu Kaiserslautern op enger Héichschoul ugeholl ginn a frees dech elo wéi s du am beschten eng Wunneng fënns?

Hei en klengen How-To:

- Kuck um Internet:

studierendenwerk-kaiserslautern.de
wg-gesucht.de
immobilienscout24.de
ebay-kleinanzeigen.de
immo.rheinpfalz.de
...

- Kuck op Facebook an dëse Gruppen:

“LSK - Membersgrupp”
(du kanns des Grupp bäitrieden, och wann s du nach kee Member bass)

“ich kämpf mich nicht allein nach vorne - die stürmer”
...

- Kuck op der Uni/Héichschoul um Schwaarze Briet!



Den duerchschnëttleche Präis vum Loyer zu Kaiserslautern leit bei: 8,81 €/m² (2021).

Oft gi mir vun iech gefrot an wéi enger Géigend vu Kaiserslautern een am beschte wunnt. Dozou léisst sech soen, dass ongeféier d'Halschent vun eise Memberen am Stadkäer wunnt an déi aner an der Géigend vun der Uni.

Wat elo besser ass, kënne mir dir net soen, dat hänkt ganz vun denge Preferenzen of z.B. ob s du moies léiwer schnell op der Uni bass oder owes méi no bei de Cafëë wëlls sinn.

Allgemeng kann ee bei deem Thema zu Kaiserslautern net vill falsch maachen, well et keng grouss Stad ass an ee séier vun A no B kënnt.



■ NÄTZLECH KONTAKTER

TU Kaiserslautern

Gottlieb-Daimler-Straße 47
D-67663 Kaiserslautern
www.uni-kl.de
Tel.: +49 631 205-0
Mail: info@uni.kl.de

Hochschule Kaiserslautern University of Applied Sciences

Schoenstraße 11
D-67659 Kaiserslautern
www.hs-kl.de
Tel.: +49 (0) 631 / 37 24-0
Mail: studsek-kl@hs-kl.de

Bürgercenter Kaiserslautern

Willy-Brandt-Platz 1
D-67657 Kaiserslautern
Tel.: +49 (0) 631 365-2538
Mail: buergercenter@kaiserslautern.de

Westpfalz-Klinikum

Hellmut-Hartet-Straße 1
D-67655 Kaiserslautern
www.westpfalz-klinikum.de
Tel.: +49 (0) 631 203-0
Mail: info@westpfalz-klinikum.de

Polizeiinspektion Kaiserslautern 1

Gaustraße 2
D-67655 Kaiserslautern
www.polizei.rlp.de
Tel.: +49 (0) 631 369-2150
Mail: pikaiserslautern1@polizei.rlp.de

Finanzamt Kaiserslautern

Eisenbahnstraße 56
D-67655 Kaiserslautern
Tel.: +49 (0) 631 3676 - 0
Mail: poststelle@fa-kl.fin-rlp.de



■ D'CAFÉEN ZU LAUTERN

Gaststätte Witches

Steinstraße 26
D-67657 Kaiserslautern

Café Extrablatt Kaiserslautern

Marktstraße 26
D-67655 Kaiserslautern

Hardrock-Café

Rittersberg 2
D-67657 Kaiserslautern

Moloney's Irish Pub

Steinstraße 29
D-67657 Kaiserslautern

The Snug Irish Pub

Steinstraße 19
D-67657 Kaiserslautern

Simpel

Klosterstraße 1
D-67655 Kaiserslautern

Café Royal

Steinstraße 27
D-67657 Kaiserslautern

Hannenfass Kaiserslautern

St.-Martins-Platz 1
D-67657 Kaiserslautern

Zack-Zack

Richard-Wagner-Straße 86
D-67655 Kaiserslautern

Pflaumen-Baum

Martin-Luther-Straße 8
D-67657 Kaiserslautern

Schorle Gewitter

Marktstraße 3-5
D-67655 Kaiserslautern

HOP IN

Steinstrstraße 15
D-67657 Kaiserslautern



■ DE COMITÉ 2021



Christian Heinesch

President


Elektro- an Informatiounstechnik
TU Kaiserslautern



Frank Schmitgen

Vize-President

Maschinnebau
HS Kaiserslautern



Lara Gehlen

Sekretärin


Psychologie
IU Internationale Hochschule



Lora Ruggiu

Tresorière

Biologie
TU Kaiserslautern



Alexandre Luong

Responsabel Representatioun

Raum- an Ëmweltplanung
TU Kaiserslautern



Jeff Beck

Responsabel Informatik


Informatik
TU Kaiserslautern



Philippe Even

Responsabel Encadrement

Goldschmatt
Meisterschule für Handwerk KL



Antoine Goedert

Responsabel Sport

Bauingenieurwiesen
TU Kaiserslautern



Ben Kiffer

Coopéierten Éierenpresident

Maschinnebau
TU Kaiserslautern



Alain Hoffmann

Cooptéiert

Mathematik
TU Kaiserslautern





Tiago Da Costa

Cooptéiert

Bauingenieurwesen
TU Kaiserslautern



Sébastien Unsen

Cooptéiert

Maschinnebau
TU Kaiserslautern



CARROSSERIE ROEMEN KEHLEN/LUXEMBOURG

180 Neufahrzeuge pro Jahr • 6.650 Projekte pro Jahr
11 administrative Mitarbeiter • 37 Fachkräfte und Handwerker
Individueller Fahrzeugbau ist unsere Stärke



Carrosserie Roemen sàrl

30, Zone d'Activités Économiques Kehlen, L-8287 Kehlen

Tel: +352 30 99 19 - 1 Fax: +352 30 80 65 eMail: info@roemen.lu





VIRSTELLUNG AKTIVITÄTEN

02

#DEFÄSCH
HCS
S
F
E
J
D

■ DE STAMMDËSCH

All Dënschden treffen mir eis ab 19:00 Auer am Witches, wou d'Petra, eis Lieblingsserveuse, och schonn op eis waart.

Sou fänkt ee gemittlechen Owend mat engem Pättchen Béier béi eis un. Lues a lues féllt sech den Café an d'Leit hunn d'Geleeënheet sech ënnerteneen auszetauschen, op iwwe Problemer am Studium oder aner Saachen déi se beschäftegen.

Oft gëtt och Darts gespillt, woubäi dann och sou munch Partie eskaléieren ka wann ee bei der "Elimination" schonn erëm dee selwechten erausgeschoss huet.

Ee Beerpong-Dësch hu mir och am Witches stoen an wann net ze vill aner Leit do sinn, duerfe mir souguer heiansdo déi eng oder aner Partie am Café spillen.

Aner Saachen, ewéi eng Partie Kaart oder Kicker ginn natierlech och gespillt, mee meeschtens ënnerhale mir eis einfach an diskutéieren iwwert all méiglech Themen.

Esou vergeet d'Zäit bei eis um Stammdësch, bis den Café dann erëm ëmmer méi eidel gëtt an d'Petra déi Onverstännegst ënner eis dann och alt géint 3 Auer Moies virun d'Dier setzen muss.



■ WANTEREVENTER

Mat de Wantereventer wëlle mir deenen neien Studenten d'Méiglechkeet ginn den LSK kennen ze léieren an sech am Cercle anzeliwwen.

Fir déi Néi ze begrëissen organiséiere mir:



Dës weidere bidde mir nach e puer kleng Eventer:



Du wëlls gesi wat mir sou alles gemaach hunn?

Da kuckt eis Video'en op eisem YouTube Channel!

■ SUMMEREVENTER

D'Summersemester ass vollgepaakt mat Aktivitéiten déi sech iwwert d'ganz Semester verdeelen.

Dës Haapteenementer sinn:



Mee et sinn och méi kleng Aktivitéiten déi mir "Cercle-Intern" hunn. Bei deene kënnen meeschtens 20-30 Leit matmaachen wei zum Beispill:



**D'ADRESS. VUN EISEM
STAMMDËSCH**

Witches
Steinstraße 26
D-67657 Kaiserslautern


■ STUDENTEFOIRE

D'Studentefoire ass eng Foire déi iwwer 2 Deeg de Schüler d'Méiglechkeet gëtt sech iwwert hir éischt Schrëtt an d'Studenteliewen ze informéieren. Sief et d'Sich nom richtege Studium, der richteger Stad oder och scho méi spezifesch Froen zu Demarchë bei deenen eenzelen Uni'en. Op der Studentefoire kann een dës Informatiounen aus éischter Hand gewuer ginn.

Nieft de Cercle sinn och vill Uni'en an aner Héichschoulen aus der ganzer Welt op der Foire vertraueden an informéieren iwwert hiert Studienangebot.

Natierlech si mir mat engem Stand präsent. Mir hunn dee Stand zesumme mat engem Representant vun der Uni. Bei eis kann een sech iwwert déi verschidde Studiëgäng zu Kaiserslautern informéieren an och mol Froen zur Stad, Umeldung op der Uni, Studenteliewen, etc. stellen. Mir probéieren ëmmer genuch Leit aus all Studienrichtung op der Plaz ze hunn, soudass mir an all Beräich kënne Froe beäntweren. An wann dat eemol net de Fall sollt sinn, da leede mir dech un déi richteg Persoun weider, sou dass keng Fro méi soll oppe stoen.

Zeckt net a kommt eng Kéier bei eisem Stand laanscht!



STUDENTEFOIRE
Foire de l'Étudiant ♦ Student Fair ♦ Studierendenmesse

■ CHRÛSCHTFEIER



Traditionell hunn mir all Joer virun der Chrëschtvakanz eis Chrëschtfeier. Bei engem gemittlechen lessen, engem Patt Wäin an enger flotter Lokatioun kucke mir op dat vergaangen Joer zeréck. Deen Owend kréien dann och d'Bleu'en déi d'Daf matge-

maach hunn, hiren Diplom wann si des erfollegräich iwwerstanen hunn. Nom lesse geet et weider an d'Staat wou mir bis spéit an d'Nuecht weiterfeiere ginn. Déi lescht Jore war dës Feier am "twenty one", an iewechsten Stack vum Rathaus.





SCHROEDER & ASSOCIÉS an Zuelen



1961
gegrënnt



350 Mataarbechter
(50% Ingenieuren, 20% Techniker,
16% Zeechner, 14% Administratioun)



14 lëtzebuerger
Associéien



30% Fraen



13 Nationalitéiten



38 Joer :
Duerchschnëttsalter

Studente sinn eis Zukunft

Och a koronazäite loosse mir lech net hänken.
Mir huele secher dei dei en obligatoresche Stage mussen maachen.
Duerfir melt lech bei ons; zécht net!

Mir sichen nei Talenter !

- Ingenieuren aus de Beräicher Génie civil, Elektromechanik, Génie mécanique, Umwelt
- Geographen, Biologen, Geologen, Hydrologen, Urbanisten, Geometeren/Topographen, Informatiker oder Bauphysiker

A mir schléisse kee Beräich aus, deen innovativ ass !



Mail eis däin CV mat Motivatiounsbréif op
jobs@schroeder.lu

Scan me



Du studéiers am Beraich Bau-Ingenieur?

S&A ënnerstëtzt dech!

Scheck eis däin Dossier bis den **15/06/2020** eran.
Déi 3 bescht Bachelor Mémoire ginn mat jeeeweils **1000€** belount.

Dëst Joer ass och e Spezialpraies dobäi komm!

Maach mat a scan de QR Code!

Règlement a weider Infos ënnert www.schroeder.lu

JOIN THE **PIONEERS**

SHAPING THE INDUSTRY
OF TOMORROW



Fachrichtungen:

- Maschinenbau & Verfahrenstechnik
- Elektrotechnik & Informationstechnik
- Bauingenieurwesen
- Physik
- Chemie
- Informatik

Wir bieten:


- Praktika
- Bachelor-/
Masterarbeiten
- Direkteinstieg



■ STUDENT FIR 1 DAG

De "Student fir 1 Dag" ass eng Dagesrees déi all Joers vun der ACEL, dem Studentevertrieeder, organiséiert gëtt. Hei hunn d'Schüler d'Méiglechkeet eng Unisstad ze besichlegen an sech vun de Lëtzebuerger Studenten déi do studéieren, d'Staat an d'Uni'en weisen an erklären ze loos- sen. Wann dir nach net sécher sidd

wou dir studéiere wëllt goen a wësse wëllt wat iech op der Uni erwaart, da bitt dir de "Student fir 1 Dag" eng eemoleg Geleeënheet, d'Unien an d'Unisstied op eng ganz besonn- esch Aart a Weis kennen ze léieren an iech bei ären Entscheidungen ze hëllefen.



Duerch Corona-Pandemie war et des Joer net méiglech an déi jee- weileg Studentenstadten ze fueren. Well Schüler net op Kaiserslautern kommen konnten, sinn mir bei si komm an hunn op der Uni.lu zu Bel- val Schüler mat Informatiounen ver- suergt. Hei hunn mir datt bescht aus der Situatioun eraus geholl an hin- nen akademesch Institutier souwéi déi schéinsten Plazen an Studente- liewen zu Lautern virgestallt. Zäit- gläich stoungen mir hinnen Ried an

Äntwert bei den Schüler hiren froen.

Och wann datt Format eng flott an coronafrëndlech Alternativ ge- wiescht war, hoffen mer, dass mer 2022 Schüler rëm kennen zu Kaisers- lautern begrëssen kennen.

Datumer fir de "Student fir 1 Dag" lei- en ëmmer an der Ouschtervakanz. Umelle kënn dir iech um Internetsi- te vun der ACEL „acel.lu“ ënnert der Rubrik "Student fir 1 Dag".

■ BISTROPIADE

All Joer am Summersemester fënnt zu Kaiserslautern eis berühmt Bistropiade statt.

Dat ass en Turnéier wou d'Memberen an Equippen zu 2 an 2 an 4 verschiddenen Disziplinne géingteneen untrieden: Kicker, Darts, Billard an Béier drénken. D'Event fënnt zu Kaiserslautern am Café Royal statt.

Eis Bistropiade zitt ëmmer erëm vill Memberen un déi zesummen en flotten Owend verbréngen. Nieft dem géingteneen Untrieden an drénken suergt dëst Event ëmmer fir eng gutt Stëmmung. Ziel ass d'Zesummebréngen vun den Memberen an no engem ganzen Dag Uni den Owend an enger frëndschaftlecher Ronn auskléngen ze loossen.

D'Gewënner déi insgesamt am beschten ofgeschloss hunn kréien hier Nimm an eisen Pokal aggravéiert an dierfen deen een Joer halen bis déi nächst Bistropiadesgewënner festtinn. Dee Pokal geet scho säit Joren ronderëm dofir ass et eng grouss Éier wann säin Numm do aggravéiert gëtt. Déi aner Membere kréien awer natierlech och en Diplom wou drop steet wei eng Platz si errecht hunn.



■ DE STUDENTEBAL

Vill Leit kennen a freeën sech all Joers nees op den ACELs Bal, och bekannt ënnert dem Numm Studentebal.

No engem Joer Abstinenz war des Joer rëm den Studentebal organiséiert vun de Studentevertrieder der Acel an Kooperatioun mat den eenzel Studentencerlchen. Ausnamswies war den Studentebal net wei gewinnt Mëtt Juli, mee gouf coronabedengt op Mëtt September verluecht. Des war en Covid-Check Event wou sech Organisateuren wie Visiteuren un 3G-Regel gehale huet.

D'Cercle suergen während dem ganzen Owend fir Gedrénks an lessen, wat se den Besucher vum Bal op verschidde Stänn ubidden. Sou huet

een d'Méiglechkeet eng Réi vun ganz verschidden an op jeeweileg Unisstied ofgestëmmte Cocktails ze probéieren. Während dem Owend suergen och DJs fir genuch Party Stëmmung fir e bëssen vum Unis Stress erfrozekommen an ze feieren.

Et ass och eng gutt Geleeënheet fir Lëtzebuerger Studenten aus den verschiddensten Unisstied kennenzeléieren respektiv erëmzegesinn, sech auszetauschen an zesammen den Ofschloss vun engem akademesche Joer ze feieren.

Traditionell suergen mir als LSK fir kulinarischen Delikatessen an verkafte Gegrilltes an Fritten, dass keen hongreg Heem goen muss.



■ INTERCERCLE

Eemol am Joer invitéiere mir all déi aner Studentecerclen op eisen Intercercler zu Kaiserslautern.

Heibäi handelt et sech em e Beachvolleyballturnéier, deem d'Cerclen aus verschidde Stied unzitt an ee vun de gréisste Sportsintercerclen iwwerhaapt ass.

De ganzen Dag iwwer trieden d'Equippen op zwee Terraine géint eneen un woubäi mir d'Spiller an d'Visiteure mat lëtzebuurger Béier, kale Softgedrénks an eppes Guddes

vum Grill versuerger. Nodeems d'Final gespillt ass, fuere mir alleguer eriwwer op Hohenecken an d'Grillhütt wou ee gudde Steak vum Grill a selwer gemaachten Zaloten op déi hongereg Spiller waarden. Do gëtt dann och owes op eiser Flatrate-Party bis Spéit weider gefeiert. Bei der Grillhütt besteet och d'Méiglechkeet ze iwwernuechten. Moies gëtt et nach eng kleng Stärkung fir d'Cerclen dann den Heemwee untriede mussen.



■ LSK AUSFLUCH

Eemol während dem Summersemester meescht den LSK eng Kulturrees oder hellt un engem Intercercle vun engem anneren Cercle an enger anerer Stadt deel. Den Ausflug erstreckt sech normalerweis iwwert en verlängerten Weekend, sodass en wéineg Couren op der Héichschoul an Uni verpasst. Hei léierten déi aner LSK-Memberen besser kennen an verbrenge en puer flott Deeg mat hinnen.

Des Joer goung et mam Cercle an den schéinen Schwarzwald un den Schluchsee. Déi ganz Rees huet sech iwwert 3 Deeg gezunn.

Freiden Moien war datt éischt Zill Heemecht Freiburg, wou mer vun engem sympatheschen an kompetenten Guide déi schéinsten Plazen zu Freiburg gewisen kruten. Dono huet en Deel vun der Grupp eng Schnitzeljuegd duerch Freiburg ge-

maacht an déi aner Grupp konnten Rothaus Brauerei besichtegen goen, wou se bei engem kalen Tanne Zäpfle interessant Fakten vum Béier aus dem Schwarzwald gewuer ginn sinn. Fir Owendiessen hunn sech déi zwou Gruppen op enger Terrasse mat enger märchenhafter Vue iwwert den Schluchsee getraff an do den Owend auskléngen gelooss.

Samschdes gouf eng Wanderung duerch Wutachschlucht gemaacht, eng eenzegaarteg Géigend, wou all Mënsch op seng Käschten komm ass. Mëttes waren mer eis dann als Belounung an den Schluchsee ofkillen.

Sonndes ass eis Kanutour iwwert den Stauséi wuertwärtlech an Waasser gefall, am Plaz hunn mer Béiergärt zu Freiburg onsécher gemaacht, befir et rëm op Kaiserslautern gaangen ass.



■ LSK SPORT

Beim LSK kennt de Sport natierlech och net ze kuerz.

Zum Beispill spillt den LSK all Woch 2x zesummen Fussball, an dat op engem Bolzplatz vum Unisport.

Dës weidere spillt den LSK bei der Uniliga mat, dëst ass een Tournoi vun der Uni wou Studenten an Equippen zu 6 am Fussball géingtenee spillen.

Lescht Joer huet den LSK déi fenomenal 4. Plaz vu 24 Ekippen bei dësem Tournoi erreescht.

Mir sinn natierlech net nëmmen am Fussball aktiv, den LSK spillt och öfters Beachvolleyball zesummen.

Uschléissend beweisen mir dann onst Talent op onsem Beachvolleyball-Intercerle, wou mir mat 2-3 Equippen untrieden.

Natierlech ass den LSK och an anereren Sportarten aktiv.

Am Wanter spillen mir um Tournoi de Noël mat, deen vun der ACEL organiséiert gëtt. Op dësem Tournoi spille mir Basketball, Fussball a Volleyball. Am Basketball si mir souguer zimlech erfollegräich gewiergt, an sinn op der Editioun vun 2017 déi 4. an 2018 déi 9. vun 16 aner Cerclen ginn.



THE BRIDGE TO YOUR FREEDOM

Banque et Caisse d'Épargne de l'État, Luxembourg - établissement public autonome 1, Place de Metz, L-2954 Luxembourg, R.C.S. Luxembourg B30775



STUDY. Pour les étudiants de 18 à 30 ans

**TA CARTE
TON COMPTE
TES AVANTAGES**



SPUERKEESS.LU



If we share the same passion,
you're the

WomAn

Join our team!

INCA Ingénieurs Conseils Associés est un bureau d'ingénieur en génie civil, offrant ses services depuis plus de 20 ans, dans des domaines aussi variés que :

- la coordination et le pilotage de projets
- le bâtiment et les constructions industrielles
- les ouvrages d'art
- les infrastructures routières et ferroviaires
- l'hydrologie et la gestion de l'eau
- les études environnementales et l'économie circulaire
- la physique du bâtiment (sécurité incendie, acoustique, thermique)
- la coordination sécurité et santé
- l'économie du bâtiment



INCA
Ingénieurs Conseils Associés S.à r.l.
47, rue Gabriel Lippmann
L-6947 Niederanven

Tél. : (+352) 42 68 90-1
Fax : (+352) 42 68 96
info@inca.lu
www.inca.lu





VIRSTELLUNG HÉICH- SCHOULEN

03

#DEFFËSCH

ALLES OP EEN BLÉCK



320 LETZEBUEGER
STUDENTEN ZU
KAISERSLAUTERN

UNIVERSITÄT (TU)

D'Technesch Universität Kaiserslautern ass 1970 gegrënnt ginn an haut déi eenzeg technesch-ingenieurwëssenschaftlech Universität a Rheinland-Pfalz.

Op der Universität kann ee véier Ofschlëss absolvéieren: **Bachelor, Master, Diplom, Zertifikat**

Studiëgäng:

Architektur, Bauingenieurwesen, Biologie, Chimie, Elektro- an Informatiounstechnik, Informatik, Maschinnebau, Verfahrenstechnik, Mathematik, Physik, Wirtschafts-

wëssenschaften, Raum- an Ëmweltplanung, Sozialwëssenschaften

All Studiëgäng fënnt een op der Homepage: www.uni-kl.de



De ganzen Uni-Campus ass op enger Platz konzentréiert a vereinfacht soumat d'Orientéierung. Et gi ganz vill Aktivitéiten ugebueden sou dass et engem wärend dem ganze Joer net langweilig gëtt (z.B. Grillen, Sport, Fitnessstudio, Uniparty'en etc.). All Fachrichtung huet eng Fachschaft, eng Grupp aus Studenten, déi engem hëlleft wann ee Froen huet. Allgemeng huet een op enger Uni

méi theoretisch wéi praxis-orientéiert Virliesungen, wat hei op der Uni awer zimlech am Gläichgewicht ass, well et eng technesch Universität ass. Et ginn och meeschtens grouss Virliesungssäll wou een och mol zu 100 Studenten (jee no Studiëgank) an enger Virliesung setzt. De Kontakt zu de Proffe kann deemno méi schwierig si wéi villäicht op enger HS, wou d'Strukture méi kleng sinn.

■ HÉICHSCHOUL (HS)

Op der Héichschoul zu Kaiserslautern kann een zwee Ofschlëss absolvéieren: **Bachelor oder Master**

D'Studiëgämg sinn op dräi Stied verdeelt, zu Kaiserslautern, Pirmasens an Zweebrécken, woubäi déi technesch Studiëgämg zu Kaiserslautern sinn.

- **Kaiserslautern:**
Maschinnebau, Elektrotechnik, Bauingenieurwesen, Architektur, Bannnenarchitektur, Virtual Design
- **Pirmasens:**
Logistik, Polymerwëssenschaften

- **Zweebrécken:**
Betriebswirtschaft, Informatik, Mikrosystemtechnik

All Studiëgämg fënnt een op der Homepage <https://www.hs-kl.de>

De Campus ass schlicht opgebaut an d'Gebaier si méi an der Staat verdeelt. D'Klassesäll si momentan an ale Gebaier woubäi d'Mensa, d'Bibliothéik an d'Studierendensekretariat a ganz neie Gebaier sinn. Och heiginn et wéi op enger Uni Fachschaften déi engem bäi Studiumsfroe weiderhëllefen. D'HS ass meeschtens eng méi praxis-orientéiert Héichschoul wou ee kleng Klassesäll huet, sou wéi een dat och aus dem Lycée gewinnt ass.



INTER- VIEWS

Nom Motto "Erfahrung si Gold Wert"
hu mir e puer vun eisen aalen Huesen
iwwer hire Studiëgang ausgefrot.



Wat fir een Ofschloss hues du an huet deen dech gutt op däi Studium virbereet?

Eng 1ère E. Dat 3D Denken duech d'Technesch Zeeschnen ass vu Vird-eel vir am Ufank bei puer Fächer gudd eranzekommen, mee ouni eng 1ère E ass dat och alles méiglech. Des weideren hu mir op der E och schonns mat Photoshop etc. geschafft, wat den Einstieg och schonns erliichtert. An natirlech gett d'Kreativitiéit weiderhin och nach emmer gefuedert.

Mat wat fir engen Erwaardungen hues du ugefaange mat studéieren a si se afëllt ginn?

Vill verschidden Domainen ze gesinn déi och erfëllt gi sinn, wei zB. Holzbau, Landschaftarchitektur an och e bës-sen Innenarchitektur.

Wat fasziniert dech un dengem Studiëgang?

D'Ufanksidee am Kapp déi um Pabeier ausgeschafft gett bis zu engem fäerdegen Modell zum Schluss.

Wat sinn d'Schwieregkeeten an dengem Studiëgang?

Am Ufank sech an all dei verschidden Zeecheprogrammer eranzeschaffen bis dem Proff däin Layout endlech gefällt.

Wéi vill Opwand ass däi Studiëgang?

Vill, ganz vill.

Wéi ass de Studiëgang organiséiert?

Et kritt een eng grouss Aufgab iwwer d'Semester, déi een zum Schluss vum Semester präsentéiert. Während dem Semester gëtt duerch weider Präsentatiounen de Fortschrëtt vun der Aufgab évalueiert. Et ginn dann awer och nach aner Fächer, an deenen dann een Examen ze schreiwien ass.


Wéi ass d'Verhältnis zu de Proffen?

Mam Proff eigentlech relativ onperséinlech, well hien just bei den Zwëschenpräsentatiounen dobäi ass,

an just säin Feedback dozou ofgett. Mat den Mitarbeiter vun deem Fach, huet een dann méi ze dinn, well een sech all Woch zesummen setzt, déi nei Iddien beschwätzt an um Fortschrëtt vum Projet schafft a mateneen diskutéiert.

E gudde Rotschlo un zukünfteg
Studenten:

Direkt ufänke soubaal een d'Aufgab krut, an net waarden bis de läschte Moment, soss ginn et Nuetschichten. Sech ëmmer gudd vir ze schaffen wann et méiglech ass an mat anere Léit zesummen ze schaffen, vir dass een Iddien austauschen kann.



Wat fir een Ofschloss hues du an huet deen dech gutt op däi Studium virbereet?

Ech hunn eng 1ière ingénierie (13ième technique générale) gemaach an a mengen Aen ass dat déi ideal Sektioon fir spéider eng Ingenieurswëssenschaft studéieren ze goen. An deenen éischte Semestere stéisst een ëmmer erëm op Saachen déi ee schonn eng Kéier kuerz am Lycée gesinn huet. Do fir ass esou eng technesch orientéiert Sektioon genau dat richtegt wann een an deem Beräich weider studéiere wëll. Dat soll awer net heeschen, dass een dat mat anere Sektioonnen net maache kann.

Mat wat fir engen Erwaardungen hues du ugefaange mat studéieren a si se afëllt ginn?

Well ech mech schonn ëmmer fir technesch Saachen interesséiert hunn, hunn ech mer vum Maschinenbaustudium méi en déiwen Abléck an d'Technik a wat alles nach handendru stécht erwaart. Och wann een am Ufank vum Studium als éischt muss d'Grondlage léieren, sou goufen dës Erwaardungen dach am Laf vum Studium erfëllt.

Wat faszinéiert dech un dengem Studiëgang?

Et kritt ee gutt Ablécker an d'Forschung a wéi eng Komplexitéit hannert verschidden Theme stécht. Flott och, dass een duerch seng Aarbechten an deem Domän eppes bäidroen kann. Wat mech och nach faszinéiert huet ass einfach wéi vill Aarbecht hannert engem Produit stieche kann, d'Plange vun der Fabrik, d'Konstruktioun vum Produit selwer bis hin zur Produktioun an deenen eenzele Prozessschritt.

Wat sinn d'Schwieregkeeten an dengem Studiëgang?

Am Ufank ass sécherlech eng mat deene gréisste Schwierigkeeten d'Ëmstellung vum Lycée op d'Uni. Et ass een net méi esou encadréiert wéi an der Schoul,

et muss ee vill méi selwer organiséieren a kuken, dass alles klappt. No enger Zäitchen huet een sech awer un déi Ëmstellung gewinnt. Konkret Schwieregkeete vum Studium ze nennen ass net esou evident. Munch Fächer si bësse méi schwéier ewéi anerer, dat ass awer sécherlech an all Studiëgang esou. Bei villen Ingenieursfächer spillt d'Mathe keng onwesentlech Roll, et muss ee kee Matheprofi sinn awer domat rechnen, dass een net dolaanscht kënnt.

Wéi vill Opwand ass däi Studiëgang?

Dat kann een esou net direkt soen. Et hänkt oft vun engem selwer of wéi vill Opwand ee muss erastiechen, Disziplin, Motivatioun, bei deem enge geet et mat eemol liesen duer den anere muss et awer scho puermol liesen, an an an. Wat ee soe kann ass, dass een hei zu Lautern am Maschinnebaustudium net esou vill Hausarbechten huet, wéi dat an anere Studiëgänger hei op der TU de Fall ass. Doduerch ze soen, dass de Studiëgang manner opwänneg wier, ass awer sécher och net richtig.

Wéi ass de Studiëgang organiséiert?

Am Ufank vum Bachelor muss en sech mat de Grondlagen auserneesetzen, wéi zum Beispill Werkstoffkunde, Thermodynamik a Mechanik awer och Mathe stinn déi éischt véier Semester um Programm. Duerno kann een sech eng vun e puer Verdéiwungsrichtungen eraussichen, eben dat wat ee méi interesséiert. Et stinn och verschidde Labo'en um Programm déi absolviert musse ginn. Duerno am Master huet ee bësse méi Fräiraum. Nierft de Flichtfächer vum Verdéiwer kann een nach puer Virliesungen a Labo'en selwer eraussichen. Als Verdéiwung wíelt een entweder déi aus dem Bachelor

oder awer eng aner.

D'Bachelor-, d'Studien- an d'Masteraarbecht kann een sech selwer eraussichen, ob experimentell, simulativ, konstruktiv oder eng Literaturrecherche, dat ass jidderengem selwer iwwerlooss.

Wéi ass d'Verhältnis zu de Proffen?

D'Verhältnis zu de Proffen op der Uni ass scho relativ distanzéiert, zemoos am Ufank wou een zu e puer Honnert an der Virliesung sëtzt. Wann ee méi konkret Froen huet, kann een awer oft de Proff no der Virliesung dorop uschwätzen a kritt dann och eng Äntwert. D'Virliesunge ginn ëmmer vu Mataarbechter vum Lehrstuhl betreit. Si bidde Sprichstonnen un an halen och meeschtens d'Übungen. Mat deenen huet een da meeschtens méi Kontakt.

Am Master wann d'Virliesunge méi kleng ginn ass d'Verhältnis net méi esou distanzéiert an et kann een déi eng oder aner Diskussioun mam Proff féieren.

E gudde Rotschlo un zukünfteg Studenten:

Nieft dem Leieren op der Uni soll een d'Studenteliewen net ze kuerz komme loossen.

E gesonde Mix aus eppes fir d'Uni schaffen an d'Studenteliewe genéissen ass méi wéi empfeelenswäert. Hei muss awer jidderee fir sech dat richtegt Mëttelmooss fannen.

Wat fir een Ofschloss hues du an huet deen dech gutt op däi Studium virbereet?

Technique générale (ingénierie). Dës Klass bereet d'Schüler a mengen Aen ganz gutt op een Ingenieursstudium fir. Fächer wéi Mécanique a Mathe, mee och d'Grundkenntnisser fir mat Excel ze schaffen droen zu engem gudde Start an de Studium vum Bauingenieurswiese bäi. Wichtig ass, dass een eng gutt Basis an der Mathe mat-bréngt, fir op der TU déi éischt Semester ze iwwerstoen.

Mat wat fir engen Erwaardungen hues du ugefaange mat studéieren a si se afëllt ginn?

Ech wollt ëmmer scho studéiere goen. Dass et Bauingenieurswiese ginn ass, louch éischer dorun, dass deemools bäi eis an der Schoul gesot ginn ass, dass an Zukunft vill Ingenieure gesicht géife ginn. Grouss Erwaardungen hat ech éischer keng. Ech wollt am Ufank virun allem vill nei Leit a menger Unistad kenneléieren an d'Studenteliewe genéissen. Trotz allem koum d'Uni awer ni ze kuerz.

Wat fasziniert dech un dengem Studiëgang?

An mengem Studium hunn ech viles iwwert d'Droverhale vun stateschen an dynamesche Systemer bäigeléiert, wéi och iwwert d'Eegenschafte vun de Baumaterialien. Donieft hunn ech och an de Baubetriebsfächer geléiert, wéi een ënner anerem eng Kosten- an Terminplanung mëscht. De Studium un sech fasziniert mech net, ech sinn éischer begeeschtert vun deem Beruff, ob deen een hei virbereet gëtt. Wann een säin Ofschloss als Bauingenieur mëscht, huet een ganz gutt Berufschancen. Dëst läit dorun, dass de Bauingenieur op ville Platzen age-sat gëtt. An Ingenieurbüroen, bäim Staat als Bauhär oder bei Entrepreneuren.

Zousätzlech ass ee seelen de ganzen Dag am Büro an et huet ee vill Ofwiesslerung op senger Aarbecht.

Wat sinn d'Schwieregkeeten an dengem Studiëgang?

Wat ville Léit am Ufank schwéier fält, ass déi eegen Disziplin. Op der Uni ass kee méi dee kuckt ob s du am Cours bass oder dee freet ob s du deng Hausaufgabe gemaach hues. Wann s du een Termin ausgelooos hues, dann ass dat däi Problem an dem Proff ass dat ganz egal. Vun den Fächer hier, ass et natierlech net einfach, mee wann een de Wellen an d'Disziplin huet, klappt dat och.

Wéi vill Opwand ass däi Studiëgang?

Ech géif soen et ass nach ze erdroen. Natierlech muss een um Ball bléiwen an net ze spéit mat den Hausübungen oder der Klausurvorbereitung ufänken, mee et huet een och nach Zäit fir niewebäi sengen Hobby'en no ze goen. Et ginn ëmmer sou Phasen, wou een de ganzen Dag an och Weekends fir d'Uni schaffe muss, mee da kommen och erëm Deeg wou et e bësse méi roueg zougeet. Dat ass dat flottst um Studéieren: et kann een sech selwer seng Aarbecht opdeelen an et gi bal keng Pflichtcoursen.

Wéi ass de Studiëgang organiséiert?

Am Ufank huet ee Grundlagen an och deelweis Fächer déi een net interesséieren an déi ee spéider och ni méi brauche wäert brauchen. Ab dem 3. Semester kann ee wielen ob ee léiwer «konstruktiver Ingenieurbau» oder de Schwéierpunkt «Infrastruktur und Umweltplanung» mëscht. Ech hunn mech fir de konstruktiven entscheet. Do huet een dann sou Fächer wéi Baustatik, Massivbau a Stahlbau. Egal wéi eng Verdéiwung ee wíelt, et gesäit een ëmmer en Deel vun allem.

Sou huet also dee mam konstruktive Schwéierpunkt och Verkehrsplanung a Wasserbau an de planereschen och ee Semester Statik a Massivbau. Als lescht kennt dann nach d´Bacheloraarbecht. De genauen Oflaf kann een am Studienverlaufsplan fannen, deen een sech online bäi der Uni erofluede kann. Am Master huet een da manner Virliesungen, mee dofir awer méi Aarbechten (Studiënaarbechten, Bauteilpraktikum) déi ee selbststänneg erschaffen muss.

Wéi ass d'Verhältnis zu de Proffen?

D´Proffen hale just d´Virliesung, do kann een dann awer och dee Moment selwer seng Froe stellen. Fir Froen zu Hausübungen oder der Klausurvorbereitung geet een dann éischer zu Hi-Wi'en (méi al Studenten déi fir d´Uni schaffen) oder bei d´Mataarbechter. Meeschtens fënnt een ëmmer een deen engem seng Froe beäntwerte kann.

E gudde Rotschlo un zukünfteg Studenten:

Ech denken dat wichtegst ass, dass een sech selwer näischt fir mëscht. Et muss een Disziplin hunn a selwer wëssen ob een net awer nach en bësse fir d´Uni schaffe soll, am plaz schonn erëm an de Café setzen ze goen.

Ee weideren Tipp dee mir och gutt gehollef huet, ass dass s du keng Klausur solls ofmellen, nëmme wëll s du Angscht hues se ze schreiwe well se schwéier ass.

Wann s du Zäit hues fir ze léieren, da géff alles fir se ze packen, vläicht geet et jo duer mat deem wat s du verstanen hues. An et ass ëmmer besser, et huet een zum Schluss nach déi einfach Klausuren iwwreg,

dofir schieb déi einfach a konzentréier dech op déi schwéier wann s du net genuch Zäit hues fir se alleguer ze schreiwen. Mee am éischte Semester ass dat nach net de Fall.

Wichtig fannen ech et och nach, datt een net probéiert, säi Studium als Einzelkämpfer ze packen. Am LSK kann een sech bäi engem vun den eelere Studenten Owes um Stammdesch mol ee gudde Rotschlo erfroen an déi ginn engem gären och hier Ënnerlagen, wann een e bëssen Ënnerstützung brauch. Mee och d'Zesummenaarbecht an den Austausch mat deenen aus dengem Semester ass wichtig an hëlleft dir oft weider.

Net alles kann een op der Uni léieren a viles léiert een eréischt wann ee schaffe geet. Dofir maach esou vill wéi méiglech Stagen. Dat hëlleft dir enorm an et motivéiert och de Studium erfollegräich ofzeschléissen. Zousätzlech weess du a wéi ee Beräich du spéider wëlls schaffe goen an et gesäit gutt op dengem CV aus.

Dat waren elo vill Rotschléi, mee ech wollt näischt ewech loossen. Ech wënschen dir alles Guddes fir däi Studium a bleif um Ball!

Wat fir een Ofschloss hues du an huet deen dech gutt op dai Studium virbereet?

Ech hunn eng 1`ere C a fannen, datt ech gutt ob mai Studium virbereet war. Dei eischt zwee Semester war villes Widderhuelung vum Lycee an hunn doweinst net direkt misste mam leieren urappen.

Mat wat fir engen Erwaardungen hues du ugefaange mat studeieren a si se afellt ginn?

Ech sinn dovun ausgaange, dass ech nei Beraicher vun der Bio geif ken- neleieren an d'leieren haaptsachlech ob d'Verstoe geing baseieren. Am Endeffekt hunn ech wierklech vill Beraicher vun der Bio kenne geleiert vun deenen ech nach naischt heieren hat a mech fasziniert hunn. Ech hat just net domat gerechent dass sou vill auswenneg ze leiere wier.

Wat fasziniert dech un dengem Studiegang?

Mech fasziniert wei een dei Saachen dei een am Cour leiert herno am All- dag eremfennt a wei duerch d'Evolu- tion aus primitive Liewewiesen emmer mei komplexer entstane sinn.

Wat sinn d'Schwieregkeeten an dengem Studiegang?

Dei greisste Schwierigkeet ass de Pensum vun der ganzer Matiere deen ee fir d'Exame wesse muss.

Wei vill Opwand ass dai Studiegang?

Wahrend der Virliesungszait geet et duer wann ee bessi leiert fir genuch fir d'Praktika virbereet ze sinn. Wahrend der Virliesungszait muss een allerdings vill leieren, och mol pur Wochen um Steck. Des weideren ass et dei eischt Semester nach mei relax.

Wei ass de Studiegang organiseiert?

De Studiegang besteet greissten Deels aus Virliesungen a Praktika. D'Praktika kenne souwuel an d'Virliesungszait wei och an d'Virliesungsfraizait falen. Am Ufank huet een nach vill Niewefacher wei Chimie,

Mathe a Physik. Réischt méi spéit am Studium kommen ëmmer méi Wälfächer.

Wéi ass d'Verhältnis zu de Proffen?

Am Ufank vum Studium kennt de Proff kee perséinlech, well et vill ze vill Studente sinn an hien och nëmmen seng Virlesung hält an dann nees geet. Et ass awer no all Virlesung méiglech fir bäi de Proff ze goe fir Froen ze stellen. Dono, méi spéit am Studium léiert ee verschidde Proffe kenne wann an deenen eenzele Fachberäicher nëmmen nach a kleng Gruppe Praktika gemaach ginn.


E gudde Rotschlo un zukünfteg Studenten:

An d'Übunge goen déi zu de Fächer gehéieren.

■ WAT STUDÉIEREN EIS MEMBEREN?

Eis Memberen studéieren entweder op der "Technischer Universität Kaiserslautern" (TU) oder op der "Hochschule Kaisers-

lautern" (HS), woubäi d'Studiëgäנג haaptsächlech an déi verschidde technesch Richtunge ginn.



ACEL- De Studentevertrieder

Mir sinn fir dech do!
Virun, wärend an no dengem Studium!



INFORMATIOUN

Mam GUIDE DU FUTUR ÉTUDIANT hues du all d'Infoen fir de Start vun dengem Studium. Wärend dengem Studium steet dir dann DE STUDENTEGUIDE zur Säit. De GUIDE DU FUTUR DIPLÔMÉ hëlleft dir fir d'äin Wee an d'Aarbechtswelt ze erliicheren. Dës dräi Broschüren fenns du ënner: www.ancel.lu/publikatiounen.



Beim STUDENT FIR 1 DAG weise mir dir deng zukünfteg Uni.







REGROUPEMENT

Mir organisieren DE STUDENTEBAL, dee gréissten Open-Air Bal fir Studenten, ewéi och den TOURNOI DE NOËL. Allebéid bréngen déi iwwer 40 Cerclen an hier Memberen zu Lëtzebuerg zesummen.

REPRESENTATIOUN

Mir sinn am reegelméissegem Kontakt mat de Ministeren an verrieden deng Rechter an Interessen. Mir probéiere fir all potentielle Studenteproblem eng Léisung ze fannen an dech beschméiglech ze beroden.



BÂTIMENT ET STRUCTURE
BUILDING INFORMATION MODELING
CARTOGRAPHIE ET S.I.G.
COORDINATION SÉCURITÉ-SANTÉ
EAU POTABLE
ENVIRONNEMENT
GÉNIE CIVIL
HYDRAULIQUE URBAINE ET FLUVIALE
INDUSTRIE
MOBILITÉ ACTIVE

OUVRAGES D'ART
PROJECT MANAGEMENT
SCANNER 3D
SOLUTIONS AÉROPORTÉES
STATIONS D'ÉPURATION
TECHNIQUES SPÉCIALES
TOPOGRAPHIE
TRANSPORT ET TRAFIC
URBANISME ET AMÉNAGEMENT
VOIRIE ET RÉSEAUX DIVERS

GÉNIE SANITAIRE
GÉNIE TECHNIQUE ÉLECTRIQUE
GÉNIE THERMIQUE & AÉRAULIQUE
INSTALLATIONS PHOTOVOLTAÏQUES



Stade de Luxembourg

JOBS

Passionné(e) par l'ingénierie et envie de rejoindre des équipes interdisciplinaires ?

Envoyez-nous vos candidatures spontanées ! (*travail d'étudiant ou de fin d'études, stage, embauche (CDI) comme ingénieur ou technicien*)

ATOUTS DE L'ENTREPRISE

- › Projets d'envergure dans tous les domaines d'activités
- › Equipes dynamiques composées de collaborateurs jeunes et expérimentés
- › Interdisciplinarité et multidisciplinarité
- › Opportunités de carrière (Chef de projet, Chef de service...)
- › Organisation flexible (horaires mobiles, télétravail...)
- › Situation centrale du bureau avec accessibilité aux transports publics (gare centrale)
- › Rémunération selon la performance individuelle



VIRSTELLUNG

EIS
SPONSOREN

04

#DEFËSCH



MERCI UN EIS



SPONSOREN!



**DREES &
SOMMER**

TR ENGINEERING
ingénieurs-conseils

n·gineer

PAUL WURTH
SMS group

CERATIZIT
GROUP

LuxTP



südenergie



CERATIZIT, la passion et l'esprit pionnier au service des matériaux durs

Depuis plus de 100 ans, nous développons et fabriquons pour vous des solutions en carbure répondant aux exigences les plus pointues pour la coupe et la protection contre l'usure. Notre gamme couvre aussi bien les outils coupants ultra-spécialisés, les plaquettes de coupe et les barreaux en carbure que les nouvelles nuances de carbure et de cermet, sans oublier les solutions pour le travail du bois et de la pierre. Le développement continu d'applications et de matériaux innovants nous aide, ainsi que nos clients, à créer un large éventail de machines, d'outils, d'applications et de biens de consommation qui imprègnent notre environnement immédiat et font partie intégrante de notre quotidien.



CERATIZIT is a high-technology engineering group specialised in cutting tools and hard material solutions.

Tooling the Future

ceratizit.com

■ SCHLUSSWUERT

Mir hoffen datt "de Fësch" dir gehollef huet een Iwwerbléck iwwer eis ze verschafen.

Weider aktuell Neiegkeeten, a wéini eis nächst Eventer stattfannen, fënns du op sozialen Netzwierker oder op eiser Internetsäit:



LSK - Lëtzebuenger Studenten zu Kaiserslautern



@l.s.k.lu



www.lsk.lu

Du hues spezifesch Froe wous du dem Comité wëlls stellen? Dann schréif eis eng PN op Social Media oder eng Email:



comite@lsk.lu

Du bass schonn op der Uni oder Héichschoul ageschriwwen awer d'Semester huet nach net ugefaangen, dann dierfs du roueg schonn an eis Facebookmembersgrupp bäitrieden:



LSK - Membersgrupp

Du besëtzt keen Auto an wëlls op Lautern kommen? Dann trëtt dës Grupp bäi:



Matfuergeleeënheeten
Lëtzebuerg - Kaiserslautern

Mat beschte Gréiss,
den LSK-Comité



■ IMPRESSUM

**De Fësch - Eng Informatiounsbroschür
vun de Lëtzebuenger Studenten zu Kaiserslautern**
Editioun 2021/2022

EDITIOUN: N°7 - OKTOBER 2021
Original 2015/16

EDITEUR: Lëtzebuenger Studenten zu Kaiserslautern a.s.b.l.
2, avenue de l'Université
L-4365 Esch-sur-Alzette

KONTAKT: Email: comite@lsk.lu
Homepage: www.lsk.lu

REDAKTEREN: LSK Comité

LAYOUT A 1. Editioun Ly Gehlen
DESIGN: Update 2021 Alexandre Luong




FOTOEN: Max Jacobs, Alexandre Luong, ACEL, LSK, TU Kaiserslautern,
HS Kaiserslautern, unsplash.com, pixabay.com, MESR

DROCK: Fondation Kräizbiërg - Atelier Imprimerie

OPLAG: 50 Stéck

© 2021 LSK a.s.b.l.





LËTZEBUERGER STUDENTEN ZU KAISERSLAUTERN A.S.B.L.



SCANNT MECH

